

无極大道至真玉皇御前畢即便出

金明曰七真受高上玄錄即金口所訣以為
立成儀典并付度科格共為此一卷也玄錄
者其運常隨七真自然之運以輔三十六真
皇正治御於賢劫在手茲也十方天人若不

知萬道勢訖者兆但看偽科罷除即三洞瑩
發真經洞明煥徹清夷光淨日景有若法鏡
矣正道運行矣法乘運功矣即是洞經與矣
法教於斯盛矣萬魔降矣當介之時天不受
祭神不受祠鬼不受食妖精匿矣強害滅矣

六。天正矣野道伏矣當介之時真為慶也十
方天人豈不樂哉今粗述後篇而以證矣傳
告後賢勿拊斯卷以分別出外更為卷軸也
有犯者獲罪於風刀可不慎之若欲傳授但
尋斯文自不越宗矣慎以自可戒之乎玉皇

真者自不可有違七真經身實不敢負聖教
焉秦玄正真玄元清玄无極真上天君真明
天君无上天君太上天君億千萬重真玄
生炁道君太上老君太上丈人九老仙都君
百千萬重道氣君真天陛下六十字

泰清玄元清玄无極真上天尊真明大衆天
尊无上金明天尊上玄億千萬重仙玄生氣
无極大道天君三元生氣百千萬重道氣君
九老真仙丈人金明閣下六十一字
右二件不出此卷讀之未究權置此耳大章
用後小章用前也

上清金真玉皇上天九天真靈三百六十五部无錄

正一天師清微弟子 製
道教學術資訊網站

上清高聖太上大道君洞真金元八景玉錄
東華上仙曰太上八素隱書南華上仙曰大
洞真經西華上仙曰金真玉光映天洞觀玉
經北華上仙曰蕭條九曜落七玄上經玉
皇中華上仙曰太上高聖八景玉錄中央黃

老君南極元君歲錄二經於太素瑤臺玄雲
羽室封以鬱森之笈玉清三元之章乃命北
寒金臺龍華玉女七百人又命白空虛宮西
靈玉童七百人侍衛大洞真經及太上虛生
大隱符玉錄焉 上清高聖太上大道君者

蓋二晨之精炁慶雲之紫煙玉輝曜煥金映
流真結化含秀苞凝玄神寄胎母氏育形為
人諱器養字上闢元母姓三千七百季誕於
西那天鬱察山浮羅岳丹玄之阿側矣元監
朗於始旦八洞被於太初周觀九緯俯濯醴

川道遙攝生採真食精飛玄揚羽漱挹泰明
受錄紫皇位司高仙振風朱素朝會萬神玄
淵嶽岑大音彌芬希想玉真之虛霞上清之
靈震爾乃拔思眇慕蹈空栖真沉朱華璋解
冠九天眇朗丘岳極洞萬峰神象五曜形鑿

七元感精太舜思招玄清遂浩映淨輝飛珠
 濯靈隱芝結秀實尤夜生朝探華晨餐晨上
 精乘雲落煙八道煥明神電煙風綠恣幽
 廣昭八浩九元布至再登紫陸三飛瓊關四
 賓太素五宴琳室携握五老洞源極密高尊
 上帝莫不履比 慧暢玉篇咀嚼冲味徘徊
 幽虛嚮流遠霽形沉八玄韜光萬源浩浩冥
 貫條條霞標神秀外覺蒸彌淡州容與大化
 寥廓本无太空任寄即色随消淳風滿時恬
 機理愉天音朗解高凌窈窕玄心充於希韻
 飛翰蔚手慶煙龍潛一勃風儀眇扇遠撫四
 大摠括弱矣於是受書玉虛眺景上清位為
 太上高聖玉晨大道君治紫珠日關館七映
 紫房玉童玉女各三十萬人侍君散香馬佩
 九色雜羅之帔衣飛森霜珠之花巾演史百
 變之冠帝晨光日鈴育精之劍下極萬萬受
 事虛皇也君或累變常流順風入萬鼓揚三
 道下躬八外登手丘阜杖褐萬國玄唱四振
 頰拔宏致鵬翮八撫和音流萃委彼雲霞之
 上韻暫釋一往之眇蔚俯攝蒼黎壘壘彌道

夫决投朗感欽範靈德曜能文於蒼淵煥采
 雲於川澤濯天貌於蘭玉發金精於幽谷乘
 大順以御至象遊冥神以混五濁虛澄九落
 勞不止足煇形泊中提携禁辱寔太上之曲
 教也若其躬栖靈觀洞宴七覺機芒感未測
 神盡與弘模滌淨虛遷幽間神浪布夷九音
 以懸玄寂既忘既寓華園照照法標明明功
 全妙激重理靡洞萬千舞景扇虛乘空抱煙
 誓紆七紀錄首上錄靈符曜散敷陳隱篇括
 致沉策運轉滯輪綜結五象携領諸天寔太
 上之化理以視於羣方也若夫散教養形赴
 救神杰明立三宮冲靈獨泰寥朗二順含元
 嘉會遣撤雜思忘累遣外行洞幽虛精妙成
 大吐故受新攝精逐穢除邪念之紛交藏真
 正之寶貴漱晨華以招日皇挹夜明以抱月
 珠鬱儀橫運煥啓太无結璘吸霄雙景合遊
 飛芝葩玄靈若欲岫風腦鼓翼於金屑麟精
 奮耳以振軀夜光煥手五嶽晃朗垂條而結
 華隱龍鳴雲瓊子疎蓮於是靈瓜漫蔓紫捺
 鬱丘丹散千合玉塞懸竭蹠躑七元登空駕

浮西靈浩漿東建醴朱酣丹琳可以遷九玄
 味虎沫足以嬰朽夫爰有四葉紫津三華玄
 剛青瓶漂芝玄柯瑩琅素盈衝霄絳生五英
 挹玄渠之甘露變白首而方童矣若登峻嶺
 洪秀天和育明弱羅煥扇神柯晨榮縹縹落
 林丹蘭敷靈崢嶸巖飛煙奏香合谷獻葩
 芳液凝形紫絳雲金條艷精總根太華吐
 納七冥六慶揮慧八解寄成略遠煬飄飄
 絕冥心泊節悒以迴孫嬰也於是定覺造信
 明序等時玉真啓晨沐浴靈丘清賓上朝精
 心豁愉蔚蔚三關偶景以綢窈幽內韻含唱
 高柔伏麾命仙研神步元歷落九天儼然整
 齊七聖表掃高風以標明範既維經運四浮
 也將有靜詠瓊堂惜說大有靈風散景六雲
 生曠從容霄杪俯躬崇阜蕭條萬谷總總空
 臥椰輪靈津飛獸噪旅神童翼蓋西華宴石
 芬霧繞襟芳煙生乎寥寥在器金藏玉敷五
 象八廓澄景合偶遊觀隱與是以永久也時
 復解帶萬流日遊月旋招風扇羽流蕩九遷
 明霞遂鏡暝暝重玄雲房含曜揆真理間窈

窈絕宅神洞寥閤精輝內映三館繁鮮千病
不兆故有常痊遂爾振采七園揚青建朱騰
空儻旌駕景騁飈徘徊八煙盤桓空塗仰簪
日華拾落月珠摘絳林之琅實餌玄河之紫
葉偃蹇靈軒領理帝書萬神入拜五德把符

卷六

上真侍晨天皇抱團太真四告中篇定模六
紀流盈整烝攝虛於焉撫空仰玄吟唱而言
曰子欲為真當存日中君駕龍騷鳳乘天景
雲東遊希林遂入帝門若必昇天當思月中
夫人駕十飛龍乘我流零西朝六領遂詣帝
室精根運思上朝玉皇蒼敷齋儀以躡景晃
散結璘以暨霄九緯橫擲七象電幽靈風交
鼓二晨八道騁素以侍朝三雲煥華於北維
萬龍騰騰以唱嘯東鵬鼓節然華啓翹高奔
圓精洞景逍遙雙皇合輦後天而彫也隱遁
坦陶神泯烝平靈賓森列披素玉庭左把龍
符右操虎經八風洞虛流響五城玄黃煥落
鬱若羅星三寶交扇少彙搜瑛高宗披溱鎔
鎔彈瓊玄音續披金振琅研鸞憐雲池飛鳳
唱聲紫柱運蘭繞空繞靈躍踏太霞曜采上

清發龍龍隨駭動八明累椿積劫保茲利貞
也或變教分道假名移形六一週未玄雲育
成飛丹水玉騰躍雪霜靈華八射款游九揚
徘徊亂轉曖昧三黃絳液易精九琳吐芒琅
玕百變碧映水陽八瓊飛景秀蒸綠漿曲晨

卷六

乘霄流金月明玄津玉醴靈映五公光弃投
音一唱八張波若火精伊離玉薑金鐵百會
舍利縛香鬱鬱靈寶化易文章刀圭既陳壽
不可量實真元之珍藥上帝之所祕藏也或
鍊五雲玉華靈金餌清朱魄綠葉華股碧精
南燭翠飢沉沙空青朝探五晨玉淵素操亦
能反故還新變老得嬰也於是四炁運和八
風扇虛宴躬紫林振蒙九隅扶桑鬱秀建木
舞丘萬真遠巡灌瀾滄流百草結柯五華曜
敷藁茨夕生合節而浮若登齋入室當先驅
除以辟鬼病又防百試乃冥目內視拊心而
祝北向叩齒三十六通有微言於玉清瓊元
君曰六天大魔王受制幽寥无巨獸赤甲毒
龍四喙白鷹仰鳴奮爪振豪萬精幽匿滅邪
破妖天丁一怒五嶽啓朝風火征伐九天扇

照天於是重捷開視練神密精調研三宮存
一天庭帝君撰宴卿輔普明和適烝液朝謁
九靈五神安疊津源盈白元啓真无英布
生四景潛朗四德以平結輝內寶歌洞既清
太系列圖壽亦不傾也時復廣眎空同教嗜

卷六

絕漢乘風振繼始暉滄滄演心八陔熙神獨
榮登碧水之靈臺觀滄洲之紫館希悠眇眇
霞飛煙散翳齋雲鏤翳勃晃爛偶景眺目儼
歎萬旦虛音五騁玄風合讚扇元掣剛日華
晞煥縱容霄漢所以永宴矣若採琳玄蕊萌
芝瓊園眇邈高真窺魏天尊五華真景金真
繞絳絳波嶽踴躍心和鮮手落七曜澄迴八
門浮絕河俯步絕山領理上契咀嚼至玄
把持法器懷精含神飄飄高肆順風隨新曇
曇德模嗜英啓全所以積椿久躬常保利津
也或遇綠林茂嶠逸景結丘道遙玄覺觀化
玉在萬度非有本質在元軒融神禁靈姬啓
符符看濤霄翠帔舒高誅玉清講蒙原初
太微侍席玉皇曜樞洞機宣幽至象合殊玉
童環玳北華啓箏天女羅陳百百齊弄玄鈞

四噓千音鏗零紫鳳撫翅漱穎同鳴雲鸞差
池鼓喙唱聲神羽翬呼飛微揚尚蒼龍仰嘍
叢雲鬱生神虎嘯咤八風扇庭擯金折玉拊
鐘拍瓊朱煙蔽勃三素綠青圓精寢曜飛霞
聖冥然後太帝下席散神縱靈眺眺霄符晃
朗亭亭左揮南房右指文昌進趨奇蔚會節
順翔窮窈衝晨蹀躞滄浪烝貫逸館羅桂拂
空揚旄遏塵秉旗招光遷延內詠心和魂暢
眇眇既周一至永長矣又各大唱妙幾論元
理靈玉響八維金音振庭開陳太素敷誘隱
冥泉藻扶疏微言續呈暉條森灑極妙之精
旁蓬爰業以羣臻別柯芬羅以散榮有邁於
閭闔之南映又似乎紅葩之繞梁流景之伊
鬱飛煙之藹藹曜九來於帝圖歌紫虛之邕
邕廣聽嘈囂於玉臺擊石沸駭於金堂五雲
纏蓋八素朗章招日月之高精命七宿之靈
細握節以步六天振朱絃之輝煌舞十絕於
北燭塵華幡於白空乘神風以盼八景何事
九鳳與八狼綠蓋眇眇以疎曜絳旌飄飄以
逆衝九纒一疊躡霄雲驟摘青丹之藥翹散

飛華之反香懸紫五練而水系九琳洞合而
玉成火琅遠珠流金採瓊迴勾陳之北阿落
散晨之極星秉輪空同運烝而征藐我奧具
法恒敷成有齊上契命何可傾若其元鴻遊
泮微音激清執玩三慧鑿攝黃寧浩哉聖玄
微乎幽翰洞起无生空逸落旌握固神庭纏
絲靈關外夷四鏡寶在六元茗茗玉德形器
效延可謂溫和萬範順轡御圓也及至夕齡
時栖方遂八易清浚抱生眇眇神迹婉延化
理測幽極順妙運奇絕高翰汎通龍華翳煥
於縹雲五映潛躍於太震丹暉電曜景風扇
和高會上宮汎浪虛波悠悠玄真濯烝玉河
振披八道蒼流霄阿乃為理玉日新不居是
用積劫靈累後无弗殂也爰有寶魂制魄凝
神胞胎之法發數十言耳可以安身合道衆
魔散却乃異天之絕祝秘宣龍燭之玄北其
旨不可得而演重言不可得而譯烏音歌聲
風纏雲落珠天幽唱莫能通釋若聊總領奇
翰株烝洞宅領括九幽冥韻內廓乃玉音金
流以施於南戶之方矣本命之日及有心震

之地閉關精忌叩齒三過安烝呼吸正身北
趣而心存微言曰羅勒那輪方柰開練班目
勃隧憚漢巨蛇赤察白象升黎大魔其積廣
敷虛靈時霄總覽吉凶發洞陽幽僻貯衆品
領括繁條百方千途莫不豁寥天地齊度執
云能彰也畢若夫决分萬帶剖堅散疑觸音
合節四映顯五天曜煥遷不傳不師八風迴
釋天帝陳辭曰羅來秀光玉虛四司激撼八
坦秉安定危有生无營玄精致思悠豁極洞
物非我持混形同采焉能及之嘉宴寒津坐
起大夷二唱曰无三合五離大羅六慧空同
九轉七清澄光四元纏絡體神忘覺萬慮非
畫華文空肆玉朗雜軫廢雲重玄眇內翰隕
七積動感冥心遠泯細塵亂蕩原宗歸大任
形扶空造神內外冥默妙篇自然高會冲靈
獨鏡恢恢遠泰四律受烝雲澤脩永九觀元
元心亦豁靜虛煙牢落二晨煥頹雲梯遷遁
无轡而騎八界三道胡神以驚高德遠曜衆
門運靈即空亦无作无兩名太玄一標支條
由情幽家照灼淨音和清二度七結及乃无

生既霄過維有中頗虛大妙雖唱玄景未味
塵迹始蒙坐與本无不貴常珍理歸澄愉大
慧已釋與天同休萬事百向莫不會過將有
真妙玄致靈章无方恍惚奇洞高躬固知權
此神音觸類在亡凜凜登霄芬芬運芳仰執
軌度於絕間俯拯萬和於弱衰四輪揚暉真
元眇遷大帥秉拖把籙明篇乘颺祭景龍騰
九天法鼓洞震環擘靈警曜南宮之朱皇浮
七蓋於玉津扇擲羽旂徘徊靈源綠雲翠旗
北風振羣流鈴羅射颺皇生惜導達萬變應
節扇煙朱虎俠景毒龍翼軒伺凶夫之失道
威六天之太姦有惡必誅有吉必存千魔為
之伏首山精為之自殘流響逸乎太空二景
謁而落煥矣道遙羣品汎形萬且高極玉霄
下盡抄散變化假體千術肆觀惠化衆兆各
獲曩情上下蒼黎開括元生標名列籍致初
測精有能施用飛登上清洞元詠微出幽入
冥乃撰太上八景玉經羅真之妙闡帝之明
子獲其篇號曰元景左卿思習洞道上清左
公何為三素道遙紫空夫總億兆者將撫攝

羣流軌運萬物周躬廣虛目朗八外盡空同
之所宗蓮玄暉之極蔚雲合遼涯風行煙牽
罕得高靜霄霞指兩儀之修御也豈容默然
三清任六氣以假適乎遠緇心坦觀熙靈十
阿於是乃命八帝撒落萬靈告水源之陰甲
召五皇之守君河海整嚴千真理輪火甲屬
鋒天丁揮斤山嶽開塗日月照晨爾乃太上
大道君將將行乎九霄眺神於外天採幽章
於玉虛求隱符於紫皇明光八維略微羣方
者也於是太上大道君初乘一景之與駕八
素紫雲攝希微倉帝名籙豐子俱東行詣鬱
悅那林昌玉臺天見玉清紫道虛皇上帝受
九暉大晨隱符太上大道君次乘二景之與
駕七素絳雲攝中微赤帝名定无彥俱南行
詣高桃厲沖龍羅天見玉清翼日虛皇太上
道君受觀靈元晨隱符太上大道君次乘三
景之與駕六素紅雲攝紫微白帝名渠淵石
俱西行詣碧落空歌餘梨天見玉清昌陽始
虛皇高元君受總晨九極隱符太上大道君
次乘四景之與駕五素青雲攝玄微黑帝名

齊元旋俱北行詣琳摩坦婁于翳天見玉清
七靜道生高上虛皇君受沓曜旋振隱符太
上大道君次乘五景之與駕四素黃雲攝始
微上帝名接空子俱東北行詣扶刀蓋華浮
羅天見玉清太明虛皇洞清君受玄景晨早
隱符太上大道君次乘六景之與駕三素綠
雲攝靈微中帝名秉巨文俱東南行詣具渭
耶渠初默天見玉清始元虛皇太霄君受合
暉晨命隱符太上大道君次乘七景之與駕
二素紫雲攝靈微下帝君名宏層子俱西南
行詣沖容青鬱離沙天見玉清七觀无生虛
皇金靈君受齊暉晨玄隱符太上大道君次
乘八景之與駕一素靈雲攝洞微真帝名泗
澄據俱西北行詣單綠察寶輪法天見玉清
八觀高元虛皇淨景君受高上龍煙隱符太
上大道君次乘洞景玉與駕太霞紫煙玄景
之暉攝九微內帝君名申明閑及上皇九玄
九天諸真仙王等俱仰登彌梵羅臺霄絕寒
丘飛无雲根之都玉清上天見玉清紫暉太
土玉皇明上大道君受高清太虛无極上道

君隱符太上九遊之巖矣。何騰之初也。八景
 次駕八素運煙玉與飛析太霞統輪引日合
 月俠擊揚軒五皇驅除發曜九天元剛把籙
 北極命神大帝啓道太素攝雲神虎七千以
 大嘯毒龍九百而開津猛獸唱塗六領街山
 鷹禽奮爪斷羅萬軒九帝帶日景五嶽剖九
 關爰有大甲赫柏圓兵森羅執戈百丈踰阜
 傾河天丁武卒萬萬蜚蛇女騎千里落羽浮
 虛仰擲火鈴躍空晃流流金逆激煥裂八喘
 威風洞源扶林拔林慶雲謁謁以玄竦龍霞
 幽羅以參扶帶七晨之夜景要九光之月珠
 黑虎紺號散揚天陳叩玉鳴鐘北鄴啓旦明
 變九衛寶香華散景擲膏八素憐軒千百
 萬塗黃衣師兵羽蓋浮空丹旗延精錦牙龍
 梳萬萬相傾飛煙薄日映鬱爽明五霞纏曜
 衝鶴虛庭握節制魔揮劍步精龍人吹蕭文
 虎奏箏玉鼓震雷九暉晝冥八狼御律齋音
 鏗鏗雲璣虛彈歷落宮商角羽納微合空洞
 明神姬八百歌儻上清雲帔錦袂羽中何青
 右揮浩真左招晨桑窈窕雲陳翠華流星仿

翔羅列交袂連頭潛濯太虛彈空吸景呼七
 道之紫煙流龍燭之熒熒萬盼極歡道遙霄
 領道霞超空凌厲玉城天鈞鳳音羽鸞唱鳴
 飛華雪灑夜日運精瓊華九節潔白如霜太
 桂生系掃拂圓明晨霞列變三輪九軌沸洞
 虛玄顛倒杳冥大哉玉駕何靈德之至尊鬱
 矣霄景何飛藥之蔚翰夫大音洞暢玉道幽
 運高曜迴明玄華朗蔚妙響却扇神姬列衛
 五老輔身進德益炁和魂攝精七魄受制洞
 仙虛真帝一尊貴於是司命齋廳公子同輯
 個變八淫流神九精五帝下迎上造上清北
 謁五帝唱詠洞經寢宴太素華羽圓明金妃
 詣房玉童散香讀訖於此心拜四方所以尊
 貴洞靈心願騰空也畢受大洞真經三十九
 章太上大道君玉錄八風徘徊帝一之道者
 當先清齋三年或清齋七百日或清齋一百
 四十日沐浴五香存真念仙玄心苦告稽首
 師門乃受之矣授經曰師君受經曰弟子自
 非赤心坦幽長苦靈困肘伏師門頓首德宇
 者而洞經玉錄終不告兆也兆身无奇炁特

鍾自然合神神光內照羽暉映玄太素生五
 歲七靈入泥九骨有五帝之玉暉血有流金
 之浩泉如此皆天仙之相也自无此天相亦
 終不與此經師相遭遇矣受經盟誓割青破
 錄啓約相授裁帶骨親然後乃得行帝一之
 炁讀大洞真經太上玉錄焉經師源於本玄
 攝始炁以運幽拔滯路以通真啓雲津以告
 翹大渡越於水火必生明乎濟超焉此經弟
 子者當苦心經戒專奉師君饌饌同味甘苦
 分均始終鏡於神明唵病同於達幸然後帝
 一盼善以恒坦之固太上揮匠以必成之輪
 心贊无高於所崇五歲不沈累於泥丸於是
 炁達宸宵德拔七玄世生大福子孫常貴
 仙重又累萬萬方來植道根祖考反生胎太
 上輔兆神於是玉房明白九個混分鏡心常
 一百靈歡然盈縮所苦常存師君大洞真經
 高上首篇三十九章畢於是馬受大洞真經
 三十九章太上大道君八景玉錄八風徘徊
 帝一之道太丹隱玄迴元五通十二上願玄
 母八間先進洞房金華唯一九玄列紀靈書

紫文鎮生五歲琅玕華丹者當破銀劉繩乃得傳之節度如左紫金為鏤鏤徑一寸截破一鏤分為兩半經師及弟子當各帶一半終身佩之青絲為繩縱長九尺各割半以纏繞縛此半鏤又合帶之青錦一尺八寸各分半為囊以盛此金半鏤及青絲繩矣分鏤繩各畢弟子三拜受經師跪授之各心中存祝曰某甲今受大洞真經三十九章太上大道君八景玉籙當令身昇紫虛上造仙官七祖父母反胎攝生大福大慶世世來庭子孫繁盛千千萬萬受經无泄諷脩玉童事事如法戒奉以保身形遠戒背經世世生禍殃割絲截鏤上聞三清下告五嶽北帝三官甲晉永和十一年歲在乙卯九月一日夜半受經於紫微王夫人凡二萬二百三十字其大洞真經一萬字

上清高聖太上大道君洞真金元八景玉籙

上清洞天三五金剛玄籙儀經

上清洞天三五金剛玄籙儀經

第七

係清玄無極真上元始天尊長明金真玉君治左清真元氣九萬九千九百九十九重流明玉真人右積陽真精元氣八萬八千八百八十八重金光寶耀真人中玄生靈清妙無執真氣百千萬重玉玄金元真人郡領上景清虛生神妙氣九億九萬九千九百九十九重氣三十六洞天至真空玄丈人某甲今領高上天寶玉皇三十六治都監十方飛天神王總司九天三元八極上下周迴四象下統萬靈普告十方無窮諸天靈官三界六道一切鬼神衆司等某甲今奉受日依法宣行傳授十方天人今有男女生其體素丹質心慕清真投詞自誓求受

上元洞天金剛三五元籙即依科加署天剛將軍兵士天官將吏位號一依無極大道元始太上高上玉皇無上至真大聖十方太上帝君三天太上老君九天太上丈人無上空玄太上玉晨君金闕玉帝陛下即日投付元

錄所部上元洞天金剛三五九天元真將軍兵士天官將吏各依品數位次度其身安鎮三元上中下部金堂玉府關節五城宮室羅列天儀羽儀室儀神儀鳳儀營其身左轉九億萬重衛其身右轉九億萬重出入遊行天剛即制御十方攝召天神地祇八極萬靈并五嶽名山大澤三河四瀆江河淮濟四瀆九域鄉亭鬼主九州符廟里杜虛空無極無窮無幽無冥無上無下洞淵清虛永府一切神祇皆當奉承符命天官統御即防其身隱其形藏其景若有凶神惡鬼六天雲中遊獵精靈妖魅魍魎欲來傷害其身者天剛當齊功震天動地威風蕩滅不得有違急急如高上太上玉皇律令

洞天主剛乘騎十億萬衆兵士洞靈赤天剛騎十億萬衆兵士洞玄剛驛騎十億萬衆兵士洞靈赤天飛剛騎吏十億萬衆兵士洞天上明剛乘騎十億萬衆兵士洞靈赤天飛仙剛騎吏十億

三四一五